

31/05/1999

Orang kampung juga ingin maju

Hadie S

DI sini saya bicarakan mengenai masalah jalan raya yang sudah bertahun-tahun belum disiapkan. Berdasarkan perkembangan negara sekarang, masyarakat di perkampungan haruslah dimajukan.

Contohnya dari segi perhubungan darat terutamanya jalan raya di Daerah Simunjan ke beberapa tempat di bandar Serian dan Kuching. Sebelum sampai di jalan besar simpang Serian ke Sri Aman, mereka dari Simunjan terpaksa menempuhi ujian seperti gelombang darat (permukaan tanah tidak rata) dan berdebu, jalan yang mempunyai batu besar atau lubang jalan disebabkan tayar kenderaan berat seperti lori balak. Pada waktu hujan, jalan itu terpaksa dielakkan kerana bimbang tersangkut. Pada musim panas pula, debu-debu jalan menjadi masalah penduduk. Sepanjang perjalanan dari daerah itu ke persimpangan berkenaan ada sesetengahnya boleh digunakan dan ada juga seperti menjadi laluan lori balak. Pihak terbabit tahu masalah berkenaan namun sudah bertahun-tahun tidak mengambil tindakan. Apakah anggapan mereka terhadap sokongan masyarakat dan penduduk daerah itu?. Prihatinlah terhadap masalah kami.

Maaf...! bukan saya mencabar. Mereka seharusnya mematuhi dasar kerajaan sebagaimana diperkatakan oleh Perdana Menteri, Datuk Seri Dr Mahathir Mohamad. Beliau mahukan penduduk berwawasan demi menuju kemakmuran. Lihatlah kerajaan Barisan Nasional (BN) yang berjaya mengharumkan nama negara di mata dunia dengan pelbagai projek.

Cuma, matlamat Dr Mahathir tidak dapat dipatuhi golongan bawahan.